

四庫

全書

四庫全書

全書

第六四一册

四庫全書

● 上海古籍出版社

本冊目次

欽定續通典(三)

清秘
曹仁虎等奉敕撰……………一

欽定四庫全書

史部

欽定續通典卷九十二
三

詳校官監察御史臣曹錫寶

洗馬臣王坦修覆勘

校對官編修臣周厚棟

謄錄監生臣徐鑒

欽定四庫全書

欽定續通典卷九十二

兵

臣等謹案杜佑作兵典其序以西漢之重兵在京師為得宜東漢至唐之藩翰力盛為失策洵為切中事理然于兵之本計則尚未悉也夫古聖人之重兵也久矣周禮大司馬中春教振旅遂以蒐田中夏教蒐舍遂以苗田中秋教治兵遂以獮田中

欽定四庫全書

欽定續通典
卷九十二

冬教大閱遂以狩田他若五射以教國子五物以詢眾庶罔不以兵事為兢兢若是者何哉用戒不虞無時可緩也後世以治兵為好武以田獵為禽荒以宴安為得體以簡閱為故事軍政日弛而國遂以弱矣宋初有禁兵廂兵鄉兵蕃兵神宗之時更有保甲兵非不多也然而將驕卒惰臨陣輒潰者外有稽簡之名內無訓練之實失本計也遼金及元皆以兵立國故兵勢最為雄健明初改元舊

制自京師達於郡縣皆設立衛所在外則統之都司在內則統于五軍都督府復有上十二衛為天子親軍亦自成一代之制然往往當其盛也兵將相習內外相維故用之而有效及其衰也教閱不明行伍虛耗而國事遂不可問亦在本計之得失而已杜典為甚十有五為目百四十有奇其於兵事畧備矣然古今異宜兵機尤甚今之所績頗有損益其事則自唐迄明代凡兵家之論說名將之

欽定四庫全書

欽定四庫全書

事跡皆採擇焉若前典以孫子為綱故諸目之前悉冠以孫子兵法今不復重錄惟徵引諸書以符前典分門之本意至其分門中間有詞義畧同者今則合併之以免繁複云

第一

倣兵 收衆 選擇附
立軍 論時 搜才附

第二

法制 雜教令附

第三

料敵制勝 敵十五形 帥十過 附 察而後動
聽虛聲知無實 敵降審察 行師先在量力不可窮
第四 間諜 不信間諜 附 行師先在量力不可窮
臨敵易辨 軍政不一必敗 軍無政令

敗 推誠 示信 示義

第五

撫士 明賞罰 行賞安衆 分賞取敵 行
賞招降 示恩招降 軍師志堅必勝 軍將
驕敵 敵屢勝驕不備可敗 軍行自表異致
敗 師行衆患恐則敗 聲感人附 守則有
餘 守拒法附

第六

示弱 示法 示獲 聲言擊東其實擊西
示形在彼而攻于此 示無備設伏取之 示
強 敵軍攻城久不下師老擊之

第七

佯敗引退 取之 引退設伏 取之 聲言退誘
敵破之 引退設伏 潛兵襲其營 設伏引敵
施襲 敵退追奔 敵敵退於路 設伏取之

欽定四庫全書

欽定四庫全書

第八

掩襲 甘言厚幣 乘隙擊之 堅壁挫銳 不
誘敵 敵追于路 設伏取之 附 兵機務速
避銳 堅壁持久 候隙破之 堅壁挫銳 不
戰往銳 敵飢以持久 焚之 因敵紕其弊
而取之 因敵三鼓氣衰 敗之 致敵力疲
攻賊之 陣久疲致敗 出其不意 擊其不
備 攻其不整 先設備而勝

第九

以逸待勞 師不蒙遠 餌敵取勝 受敵餌
取敵附 軍勝掃掠 破追襲多敗 抽軍乘
敵抽軍襲破之 附 卑辭急敵 破之 兩軍相
和因懈敵之 兩軍相對 取背破之 兩軍相
對 敵軍助即勝 兵多力有餘 宜分 軍相繼
我軍敵衆自達至無疲疲之 批戰 假託安
高勿攻 敵黨急之 則合緩之 則離 假託安

第十

行軍下營審擇其地
山取水越山度險附
下營斥堠并防
藏倉庫

第十一

攻其必救
軍師伐國若中路城大兵多須
下方過必攻其易毋貪其易附
勢破之附布陣大勢分易敗
少分軍必敗

第十二

按地形知勝負
塞險則勝否則敗
死地勿攻
其師乘辛初銳用之
激怒其衆
總論其攻

第十三

圓敵勿周
絕糧道及端重
火攻火兵附
戰其附

欽定四庫全書

火攻附
火禽附
火盜附
火弩附
火戰具

水軍
水攻
水行渡水附
禦敵

第十四

因機設權
多方謀之
先攻其心
奪敵

第十五

敵無固志可取之
歸師勿遏
防通附
敵之乘勝
乘勢先聲復實
微衆
風雲氣候雖

叙兵

唐李筌太白陰經曰兵之興也有形有神旗幟金鼓依

於形智謀計事依於神賊勝攻取形之事而用在神虛

實變化神之功而用在形觀形不見其神不知其事是

以曳柴揚塵形其衆也滅竄滅火形其寡也勇而無剛

嘗敵而連去之形其退也斥山澤之險無所不致形其

進也油幕布被冠諸樹株形其強也偃旗卧鼓寂若無

人形其弱也故曰兵形象陶人之埏土兕氏之治金為

方為圓或鼎或鍾土金無常性因功以為名戰陣無常

勢因敵以為形形不因神不能為變化神不因敵不能

為智謀

宋時禁兵繁冗更戍絡繹天下困於供億蘇軾因應詔

獻策論之一曰定軍制二曰練軍實其畧曰郡縣之士

兵可以漸訓則禁兵可以漸省苟禁兵漸省而以其資

糧益優郡縣之士兵則彼固已戴土之恩而願効其力

又何遽不如禁兵邪如此則內無屯聚仰給之費而外

無遷徙供億之勞矣又曰自今以往民之願為兵者皆

老弱之兵而民不任戰者不至於無罪而死

謂見屠及餌敵

年之中有始至者有既久老有將去者有當代者新故

雜居而教之則緩急可以無憂矣許洞虎鈴經曰古法

曰散地無戰散地者境內本土也士卒顧家其意未專

不可戰也輕地則止入敵地尚淺士卒意未堅不可以

進敵當自堅其心也爭地則無攻山谷險隘之口以弱

勝強以少擊衆之地也交地則無絕俱可進退之地不

可以兵絕之衝地則合交有路往來我可以結交于諸

欽定四庫全書

欽定四庫全書

六

侯也重地則掠深入敵境士卒意已堅固可以掠取財

物圍地則謀士卒困於險隘關則兵弱持久則糧食乏

絕則常用謀以免難死地則戰前有高山復有大水糧

食乏絕進退守備皆無所利當此祇得死戰也洞曰此

八者古人用八地之法若地協于用則用之不協于用

則反之反之謂何曰若敵衆深入吾境營壘不完易糧

寡少守且不利詎可以散地而不戰乎在我當以必戰

為約怯退示以必死擒獲示以必賞令立告諸吏士將

戰之際後顧者斬之臨敵而身不定目數移者斬之有

憂色者偃蹇者相視而動目者遺弓刀器械者金鼓不

應節者皆斬之獲一首級者亦厚賞之如是則有散地

之用矣入敵地尚淺險則據而挑夷則守而應慮士卒

心不同當擇左右前後皆險絕無生路肅部伍嚴節制

使人人欲自戰是則有輕地之用矣山谷險隘敵人先

得以控搃我勢我當屯師為大營廣陣務攻具露其氣

機狀如不密俾敵見之欲敵備在前陰出精銳敢死者循

欽定四庫全書

欽定四庫全書

七

間道或扼其糧運或搆絕其後凡間道必多險阻或有

崇巖峭壁之地則為懸梯竹索以陟降之或有深澗絕

澗則為壘岳渡之敵覺內扼則自營陣中出精兵為應

內外夾攻有爭地之用矣道路相錯我可以往彼可以

來利設伏追戰伴凡俟逐北過半則舉號發伏衝擊之

反佯北之師以應有交地之用矣頃泊之地選達四而

常選腹心勁勇者各將步騎以扼四衝人數隨多少使

之雖無交應有衝地之用矣致兵敵境凡屬守備者順

則安之否則夷之資食所獲必付更士內以悅師人外
絕敵所恃豈直深入然後用掠乎如是則有掠非止重
地之用矣大兵將動先料其強弱觀其雲氣察地勢順
逆審人心向背而後舉馬兵法曰策之而知得失之計
候之而知動靜之理故得失之道利在先知謀勝於未
勝慎失於未失者善有死地之圖始謀於軍者必有後
機之用矣設能反後機而達先知必無圍地之患矣高
山大澤險阻峭壁沮洳谿澗斷無可生之道此智士用

欽定四庫全書

新定續通典

卷九十二

謀之秋也當出其不意以衝敵動而後擊之奇兵奔衝
或利用燧馬燧牛如田單楊班之類是也或候夜昏詐
為號直奔衝敵師混服飾軍伍辨認之類是也如止死
戰以為期苟敵兵益壯我後不繼則李陵有弓折矢盡
之用矣戰極力弊當自陷陷能竭智用謀萬變不極則
無死地之憂矣孫子曰戰貴地利然則地利不可不用
也但臨時觀其用何如耳兵貴以變設不能以變用兵
雖得地利無益也學兵用武率以古法為執馬與膠柱

鼓瑟無異耳未見決中者也兵家之利利在變通之機
觀其逆順夫與師之際先探敵將才不才設若敵將不
能以兵法使眾惟以勇敢為己任我則順古法以待之
也或敵將善用古法我則逆古法以待之也夫用兵之
奇莫奇於設伏設伏之奇莫奇於新智新智者非不師
古也師古而反之爾古人料敵以其始來戰陣未合先
以賤而勇者挑之觀其號令旗鼓之整與亂士馬之強
弱營陣之偏正行伍之齊肅散亂言語之喧譁緘默以

欽定四庫全書

新定續通典

卷九十二

九

定勝負焉是以古法曰若其眾喧譁旗亂其卒自行自止
其兵或縱或橫其逐北恐不及見利恐不得如此者將
必無謀雖眾可獲矣洞曰如古人以此取功苟敵人料
我當順其所料伏兵待之以詐示之俟彼出師則發伏
兵攻之古法曰杖而立者飢也汲而先飲者渴也見利
不進者勞也軍擾者將不重也旗動者亂也吏怨者倦
也懸瓶不及其舍者窮寇也淳淳翕翕徐與人言者失
其眾也數顧者失其羣也來委謝者欲休息也洞曰如

古人以此料敵今則不然當擇精銳更士分而伏於衝

要使其勞倦傷殘者如飢渴失羣之狀或數搖動其旗

或數驚擾其眾使更士喧譁應人所料苟出師襲我則

潛發所伏出其不意擊之古法曰敵始來到行陣未定

可擊也跋涉長道後行未息可擊也行坂涉險半隱半

出可擊也涉水半渡可擊也險道狹路可擊也旌旗亂

動可擊也陣數動移可擊也洞曰在我則不然如以行

陣未定四面可設伏也長道後行未息中可設伏也行

欽定四庫全書

御定四庫全書
卷九十二

十

坂半隱半出長林大谷可設伏也涉水半渡崖岬坡坂

可設伏也狹路險道旌旗亂動陣數動移前後可設伏

也如或敵人敗走我師未敢逐之防有伏也古法曰鳥

起者伏也眾樹動者來也此未必果伏與來也慮為疑

兵也已奔遁令老弱者動其眾樹及驚鳥起之類是也

又曰無約而請和者謀也半進半退者誘也此亦大兵

已潛通恐後人逐者設為此疑也是以兵法如車也載

其物則車也及有車之用則東西南北者由人也故兵

法不可執而用之也

金章宗嘗謂宰臣曰人有以八陣圖來上者其圖果何

如朕嘗觀宋白所集武經具載攻守之法亦多難行右

丞相清臣曰兵書一定之法難以應變本朝行兵惟用

正奇二軍臨敵制變以正為奇以奇為正故無往不克

帝曰自古用兵亦不出奇正二法且學古兵法如學奕

棋未能自得於心欲用舊陣勢以接敵疎矣敵所應與

舊勢異則必不可支第武經所述雖難遵行然知之猶

欽定四庫全書

御定四庫全書
卷九十二

十一

愈於不知耳

收眾

唐李抱真領昭義軍留後審端山東道有變上黨且當

兵衝是時承戰鬪之後土瘠賦重人民益貧困無以養

軍乃籍戶丁男三選其一有材力者免其租徭給弓矢

令之曰農之隙則分曹角射歲終吾當會試及期按簿

而試之以示賞罰復命之如初比三年皆善射抱真曰

軍可用矣於是舉部內之鄉丁得成卒二萬不仰衣食

於官府而倉庫益實乃繕甲兵為戰具遂雄視山東天下稱昭義步軍冠諸軍又馬燧帥河東以兵力單弱累所役得數千人悉補騎士教之戰數月成精卒居一年得兵二萬造鎧必短長三制稱士為衣以便進趨為戰車冒以狻猊象列戟於後行以戟兵止則為陣器用完銳威震北方

宋种世衡守環州初至青澗嘗課吏民射以銀為射的中者與之或爭強役優重亦使之射射中者得優處有

欽定四庫全書

欽定四庫全書

十一

過失射中輒釋之或因中否而予奪其所事人人自勵皆精於射由是數年敵不敢近環境又張浚曉諭民間招軍一百人與補下班祇應招軍二百人與補進武校尉招軍三百人與補承信郎以上各有差等令不兩月軍致數萬

遼太祖天贊元年以戶口滋繁糾轄疎遠分北達寧額為二部立兩節度以統之三年西征党項等國俘獲不可勝紀四年又親征渤海天顯元年滅渤海國地方五

千里兵數十萬五京十五府六十二州盡有其衆自此益強大莫之能禦

金舊無鐵景祖時鄰國有以甲冑來鬻者必傾貲厚價以與貿易亦令昆弟族人皆售之得鐵既多因之以修弓矢備器械諸部來附者衆景祖收而團練之兵勢於是漸振矣至穆宗將伐蕭哈里慕兵得千餘人女直兵未嘗滿千至是太祖勇氣百倍曰有此甲兵何事不可圖也

欽定四庫全書

欽定四庫全書

十三

元星濟奉詔守江州時江州已陷賊據池陽號百萬太平官軍止有三百人衆皆欲走星濟曰畏賊而逃非勇也坐而待攻非智也汝等皆有妻子財物縱逃其可免乎乃貸富人錢募人為兵一日得三千人軍聲大振遂復池州

選擇附

唐郭子儀率朔方兵破史思明於藁城南攻趙郡擒賊四千還常山思明更以衆數萬尾軍子儀還騎五百更

出挑之三日賊引去乘之再破於沙河又李愬募死士
三千人為突將自教之

五代周世宗即位既敗北漢兵於高平謀肅軍政謂侍
臣曰凡兵務精不務多今以農夫百未能當甲士一奈
何浚民之膏澤養此無用之人乎且健懦不分衆何所
勸乃命大簡諸軍精銳者升之上軍羸者斥去之詔募
天下壯士咸詣闕選其尤者為殿前諸班其騎步諸軍
各命將帥選士由是士卒精強所向皆捷

欽定四庫全書

魏定四庫全書

十四

宋韓世忠與岳飛並置背嵬軍皆勇鸞絕倫者故俱能
以少擊衆又淮東制置使許國檄趙葵曰兵不能集集
不能精奈何葵曰請視兩路之兵別其精銳君侯留二
萬於帳前敵不敢動矣國曰不若集淮兵來問而君董
之既足示衆亦可選銳葵曰有兵之郡必當衝要守將
豈肯空壁以從制使命耶必將力爭於朝分留自衛一
得朝命必匿其強壯遺老弱以備數本欲選銳適得其
鈍本欲示衆適示單弱徒啟敵心不聽卒敗

遼凡舉兵皇帝親臨將校又選無戚大臣充行營兵馬
都統副都統都監各一人又選諸軍兵馬尤精銳者三
萬人為護駕軍又選驍勇三千人為先鋒軍又選剽悍
百人以上為遠探欄子軍故兵無不善戰者

金選弩手之制先以營造尺度杖其長六尺立之謂之
等杖取身與杖等能踏弩至三石鋪弦解索登踏開習
射六箭皆上垛內二箭中貼者又選親軍取身長五尺
五寸善騎射者明安穆昆以名上兵部移點檢司宣徽
院試補之

欽定四庫全書

魏定四庫全書

十四

明韓雍計峒賊最強方設策進勸新會縣丞陶魯自請
征雍曰所將幾何而辯曰三百人足矣曰何少也曰魯
猶以為多兵貴精請任選擇雍從之魯乃標約式令曰
有力能舉百鈞矢射二百步者來三軍之士十五萬人
比於式者二百五十人曰未也復募數日始定魯乃為
別將日操練陣法推牛犒軍甘苦共之士爭願為死率
以先登大破賊又蜀盜藍邱叛僉事馬昊佐治兵甫至

聞所部曰將不知兵若何求勝擇驍勇才力千人分四隊隊立長會賊來逼城晁夜出百騎舉砲擊賊賊營亂自蹈藉晁悉兵從後乘之斬首四千級再前遇賊賊方陣於左而伏兵於右為應晁以正兵當左乃身與百騎直擣伏賊驚潰趨左左陣亦潰遂合兵縱擊火其柵大破之

立軍

唐高祖初起開大將軍府得兵二十萬武德初始置軍

欽定四庫全書

卷九十二

十一

府以驃騎車騎兩將軍府領之析關中為十二道曰萬年道長安道富平道醴泉道同州道華州道寧州道岐州道幽州道西麟州道涇州道宜州道皆置府三年更以萬年道為參旗軍長安道為鼓旗軍富平道為元戈軍醴泉道為井鉞軍同州道為羽林軍華州道為驛官軍寧州道為折威軍岐州道為平道軍幽州道為招遙軍西麟州道為荒遊軍涇州道為天紀軍宜州道為天節軍軍置將副各一人以督耕戰以車騎府統之六年

廢十二軍改驃騎曰統軍車騎曰別將居歲餘十二軍復而軍置將軍一人軍有坊置主一人以檢察戶口勸

課農桑太宗貞觀十年更號統軍為折衝都尉別將為果毅都尉諸府總曰折衝府凡天下十道置府六百三十四皆有名號而關內二百六十有一皆以隸諸衛凡府三等兵千二百人為上十人為中八百人為下府置折衝都尉一人左右果毅都尉各一人長史兵曹別將各一人校尉六人士以三百人為團團有校尉五十人

欽定四庫全書

卷九十二

十一

為隊隊有正十人為火火有長凡民年二十為兵六十而免其能騎而射者為越騎其餘為步兵武騎排攢手步射其隸於衛也左右衛皆領六十府諸衛領五十至四十其餘以隸東宮六率凡發府兵皆下符契州刺史與折衝勘契乃發若全府發則折衝都尉以下皆行不盡則果毅行少則別將行凡當宿衛者番上兵部以遠近給番五百里為五番千里七番一千五百里八番二千里十番外為十二番皆以月上若簡留直衛者五百

里為七番千里八番二千里十番外為十二番亦月上

案三代以下軍制唐府兵為最善杜典於立軍下雖附令制一門而府兵之制未詳今補纂

宋立禁軍廂軍分隸殿前侍衛總管司而籍藏樞密院凡召募廩給訓練屯戍選補之政皆樞密院掌之禁軍者天子之衛兵也以守京師備征伐總於殿前侍衛二司其尤親近扈從者號班直殿前侍衛二司各閫所掌兵揀其驍勇升為上軍老弱怯懦置副員以處之廂軍者諸州之鎮兵也建隆初詔選州兵壯勇者悉部送京

欽定四庫全書

武定通典

十八

師以備禁衛餘留本城以給役使又選疆壯卒定為兵樣分送諸道召募教習俟其精練即送闕下復立更戍法分遣禁旅戍守邊城使往來道路以習勤苦均勞佚自是將不得專其兵而士卒不至於驕惰矣

遼太祖以德呼部受禪析本部為五院六院統以皇族而親衛缺然乃立鄂爾多法分州縣籍戶丁以建宮衛宏義宮騎軍六千長寧宮騎軍五千永興宮騎軍五千積慶宮騎軍八千延昌宮騎軍二千彰德宮騎軍一萬

崇德宮騎軍一萬興聖宮騎軍五千延慶宮騎軍一萬

太和宮騎軍一萬五千永昌宮騎軍一萬敦睦宮騎軍

五千文忠王府騎軍一萬十二宮一府自上京至南京

總要之地各置提轄司重地每宮皆置內地一二而已

入則居守出則扈從有兵事則五京二州各提轄司傳

檄而集不待調發州縣部族十萬騎軍已立具矣民年

十五以上五十以下隸兵籍每正軍一名馬三匹打草

穀守營鋪家丁各一人人鐵甲九事馬韉轡馬甲皮鐵

欽定四庫全書

武定通典

十九

視其力弓四箭四百長短槍鎗錄斧鉞小旗鎚錐火刀石馬孟鈔一斗鈔袋搭鈔傘各一縻馬繩二百尺皆自備

金初諸部之民無他徭役壯者皆兵平居則佃漁射獵

習為勞事有警則下令部內及遣使詣諸貝勒徵兵凡

步騎之仗輿皆取備焉其部長曰貝勒行兵則稱曰明

安穆昆從其多寡以為號明安者千夫長也穆昆者百

夫長也穆昆之副曰富埒埒士卒之副從曰伊勒希太

祖收國二年以兵二千五百破耶律色實始命以三百戶為穆昆穆昆十為明安繼而諸部來降率用明安穆昆之名以授其首領而部伍其人出河之戰兵始滿萬而遼莫敵矣及來流鴨水鐵驪布古德之民皆附東京既平山西繼定內收遼漢之降卒外籍部族之健士以壯部百三十戶為一穆昆諸州漢人六十五戶為一穆昆親信之臣並領所部為明安世宗以上京地廣而腴出府庫錢以濟行資牛蓄選率瑣一明安和囉噶二明

欽定四庫全書

欽定四庫全書

卷九十二

三

安二十四穆昆以實之多易置河北山東所屯之舊括民地而為之業戶頒牛而使之耕畜甲兵而為之備乃大重其權授諸王以明安之號或新置者特賜之名制其奢靡禁其飲酒習其騎射儲其糧糈其備至嚴也元世祖立五衛以總宿衛諸軍衛設親軍都指揮使外則萬戶之下置總管千戶之下置總把百戶之下置彈壓立樞密院以統之初有蒙古軍特默齊軍蒙古軍皆國人特默齊軍則諸部族也男子年十五以上七十以

欽定四庫全書

欽定四庫全書

卷九十二

三

下盡簽為兵十人為一牌設牌頭上馬則備戰闕下馬則屯聚牧養孩幼稍長又籍之曰漸丁軍既平中原發民為卒是為漢軍限年二十以上者充其繼得宋兵號新附軍又有遼東之乂軍契丹軍女直軍雲南之寸白軍福建之畬軍則皆不出戌他方者蓋鄉兵也又有以技名者曰砲軍弩軍水手軍應募而集者曰達爾罕軍明初自京師達於郡縣皆立衛所外統之都司內統於五軍都督府而上十二衛為天子親軍者不與馬征伐則命將充總兵官調衛所軍領之既旋則將上所佩印官軍各回衛所京軍設三大營一曰五軍一曰三千一曰神機居常五軍肄營陣三千肆巡哨神機肄火器大駕征行則大營居中五營分駐步內騎外騎外為神機神機外為長圍周二十里樵採其中自成祖至宣宗皆以京營制勝焉景帝時兵部尚書于謙建議以三大營各為教令臨期調撥兵將不相習乃請於諸營選勝兵十萬分十營團練每營都督一號頭官一都指揮二把

總十領隊一百管隊二百於三營提督中推一人充總兵官以兵部尚書或都御史一人為提督出征即令原都督等統領之

論將

唐李勣統兵與李靖合攻突厥勣曰諷利得度磧保九姓卒難以定若約齊薄之不戰可縛矣靖從之率眾夜發勣先勒兵屯磧口諷利奔不能度遂降太宗曰煬帝不擇人守邊築長城以勞中國我用勣守并突厥不敢

欽定四庫全書

欽定四庫全書

五

南賢於長城遠矣又太宗征遼薛仁貴著白衣自標幟持鐵腰鞬兩弓所向披靡敵遂奔潰帝召仁貴曰舊將皆老欲擢脫勇付閫外莫如卿者吾不喜得遼東喜得虢將遷右領軍中郎將後以罪除名未幾拜代州都督率兵擊突厥突厥問唐將為誰曰薛仁貴突厥曰薛將軍流象州死矣安得復生仁貴脫兜鍪見之突厥相視失色皆下馬羅拜

宋范仲淹知延州先是詔分邊兵令諸將領之寇至則

官卑者先出仲淹曰將不擇人以官為序致敗之道也是大閩州兵得萬八千人分六將領之日夜訓練分番禦敵元昊聞之相戒勿犯

金宗弼再伐江南以鄭瓊素知南方山川險易召至軍計事瓊從容語同列曰瓊嘗從大軍南伐每見元帥國王親臨陣督戰矢石交集而王指麾三軍意氣自若用兵制勝皆與孫吳合可謂命世雄材矣至於親冒鋒鏑進不避難將士視之孰敢愛死宜其所向無前日閩

欽定四庫全書

欽定四庫全書

五

國千里也江南諸帥才能不及中人每當用兵必身居數百里外謂之持重或督召軍旅易置將校僅以一介之士持虛文諭之謂之調發制敵決勝委之偏裨是以智者解體愚者喪師幸一小捷則露布飛馳增加俘級以為己功敏怨將士縱或親臨亦必先遁何能整軍而經武耶眾以為確論

明章溢侍太祖因問征閩諸將對曰湯和由海道進胡廷瑞自江西入此可必勝然閩中无服李文忠威信若

令文忠由蒲城取建寧此尤萬全計也太祖喜立詔文忠督師關中

搜才附

唐李筌太白陰經曰有深沉謀慮出人意外者名曰智囊之士有辭縱理橫飛箝捍閭能移人之性奪人之心者名曰說辯之士有得敵國君臣門閭請謁之情者名曰間諜之士有知山泉水井次舍道路迂直者名曰鄉導之士有製造五兵攻守利器奇變譎說者名曰伎巧

欽定四庫全書

欽定四庫全書

十四

之士有引五石之弓矢貫重鎧戈矛劍鉞便於利用陸搏犀兕水攫龜鼈跳身捕敵塞旗撫鼓者名曰猛毅之士有立乘奔馬左右超忽踰越城壁出入廬舍而無形迹者名曰趨捷之士有往返三百里不及夕者名曰疾足之士有力負三百六十斤行五十步者名曰巨力之士有步五行運三式多言天道說說陰陽者名曰伎術之士

宋許洞虎鈴經曰今之取人率求其多學而舍其偏技

非良術也兵家所利隨其短長用之也精銳者使關果

敢者使攻沉毅而性執者使據阻險輕捷者使誘敵剛

愎者使當鋒利口喋喋者使用間善竊者使盜號探敵

惡言者使揚毀訾罵奇才異識者使預談論深識大度

者使安眾志倔強多力者使新關榛莽善隨地形結構

者使度樹營柵諳山澤高下水泉之利者使詳地形妖

言詐解善張皇鬼神推行天命者使揚聲惑眾以動敵

心善擇地勢平險知往來細大之蹊路者使通儲糧奇

欽定四庫全書

欽定四庫全書

十五

解俾辯能駕虛矜大者使奮振威德耳目聰明善擇敵

情者使伺候奸偽敏才健筆者使主機微明七曜休咎

者為歷數之士善占風雲氣候者為候風氣之士曉六

壬遁甲者為選日之士善著龜者為卜筮之士人醫須

二十以上以兵數增之獸醫亦如人醫之數大將軍推

通材者與之參議可否故我大衆之內無棄人焉人無

所棄斯動則有功矣

明金幼孜北征錄曰正兵之外復收諸色材技分為二